

E.x

~~XXXXX~~


~~mm~~

~~XXXXX~~

~~mm~~

Dixit auctor ~~XXXV~~
Ecccl.

P.P. Eremitar^c Camaldulensis
Eremi Trigrensis.




TRACTATUS
B R E V I S
De
OBLIGATIONIBUS REGULÆ
&
CONSTITUTIONUM
IN SACRIS RELIGIONIBUS.

Authore R. ac Ex: P. Petro DIERKENS
S. T. D. Ords Prædicatorum Gandanensi
Honori & Venerationi
Reverendissimi ac Religiosissimi
in Christo Patris

GERARDI
THOMASSICH
Ords S. PAULI primi Eremitæ
Prioris Generalis Meritissimi
SS. Thliæ Doctoris Eximij, nec non per
Provinciam Polonam Visitatoris Colen-
dissimi Protectoris Gratiostissimi.
D I C A T U S.

Reimpressus in Claro Monte Czechochovienſi.



Approbationes.

FACULTAS

R. A. P. PROVINCIALIS.

PERMITTO, ut imprimatur hic Brevis Tra-
etatus de obligatione Regulæ & Con-
stitutionum in Religiosis Ordinibus, sup-
positis supponendis. Datum Tornaci 4.
Maji, 1667.

Fr. BONAVENTURA de MARIVOORDE,
*Provincialis per inferiorem Germaniam
Ordinis Prædicatorum.*

FACULTAS REIMPRIMENDI

Censoris Diœcesani.

PRÆSENS libellus jam Anno 1667. II. Ju-
lij approbatus, & Anno 1731. Coloniæ
impressus, ut iterum reimprimi possit, do
facultatem.

M. CASIMIRUS STEPLOWSKI S. T.
Doctor & Professor, Librorum per Diœ-
cesim Cracoviensem Censor Die 17.
Aprilis 1765.

Qui spernit modica, paulatim decidet. Eccl 19
Ubi statuta non observantur talis Religio e-
sicut pomarium undequaq; apertum, quod fructu
suos, non proprietariis, sed viatoribus fructifica-
redit. S. Fr. de Sales. l. 2. epi. 1.

S. Antoninus loquens de quibusdā Relig-
onibus deformatis, ita ait: Praefatæ Religione
quæ cum magno fervore & vita sanctimonia
nitum habuerunt, minima negligentes traditi-
num paternam, in processu temporis paulati-
defluxerunt, & exinanitæ sunt usque ad fundi-
mentum in eis. 2. part. hist. cap. 15. §. 2.

Si parvi pendas Constitutiones & ordinatio-
nes sacræ Religionis, quantumvis parva sim
Monachus non es. Blos. in spec. Monach.

Sic minora, imo minima servemus cum nobis
possibili, sicut majora & maxima, dicit enim
Scriptura: Qui negligit modica, paulatim deci-
det. Diony. Carth. ser. 6. de Dom. 3.

Qui parva sine scrupulo cōsciētia admittunt
āsensibiles effecti, se sanos existimant, mala si
plangere, & vitam corrigere ignorant - - - -
quamvis parva vulnera videantur, quia tamen
nec cauent, ne ea suscipiant, nec postquam su-
sciperint, debitā curā adhibent, omnino mortiferi
redduntur. Dac. Abb. in 5. T. Bibl. Patrum.

119
io e
uctu
ifica

elig
one.
nia
ditu
lati
undi
2.
atit
fin
ch.
nob
enii
deci

tun
- su
me
su
fer

※※※)(+)(※※※

RELIGIOSO


LECTORI.

Cum iuxta Doctrinam Angelici Doctoris, & communem Religiosa professio obliget profitem, non quidem ut defacto sit perfectus, sed ut semper tendat ad perfectionem charitatis & aliarum virtutum & quia nonnihil obscurum videtur, in quo consistat ista tendentia, & quomodo, & quantum obliget; hinc varii Religiosi anguntur, quid facere debeant, ut huic obligationi satisfiant. Declaro in hoc Tractatulo banc tendentiam consistere in perfecta observantia Votorum, Regula & Constitutionum. Quantum verò obligent vota, omitto hic tractare, quia de hoc egi sufficienter Tract. I. Exercitior. spirit. cap. 8. de obligatione verò Regula & Constitutionum ibidem tractavi, sed breviter Verum cum illa res sit magis obscura, & multum ab ea dependeat bonum Religionis. requirit ampliorem declarationem, quam expono per hunc Tractatulum, idque in Regula & Constitutionibus Ordinis PP. Prædicatorum que

obligant ad solam pœnam & ad nullam culpam nisi propter præceptum vel contemptum: in quibus casibus à fortiori obligantur illi Religiosi, quorum Regula & Constitutiones obligant sub peccato. Cùm verò laxiores aliqui Religiosi intelligent Regulam & Statuta sui Ordinis non obligare ad aliquam culpam, vel in aliis Ordinibus ad solam culpam venialem, arbitrantur esse negotium parvi momenti liberè & frequenter illa transgredi, quod tamen valde magnum est, periculosum, & ruina Religionum, prout in sequentibus fusè demonstro; sperans fore ut per hoc confirmetur boni Religiosi in cuncta observantia. Laxiores verò intelligentes grande periculum sue salutis tempestivè resipiscant.

Cùm verò materia hujus Tractatus sit magni momenti, & ab illa maximè dependeat bonum Religionis, & concernat & qualiter omnes Religiosos Ordines, eam typis committere non possum, nisi prius illam submissem accurato exanimi doctissimorum Virorum & S. T. Professorum in Universitate Lovaniensi & singulis Ordinibus, quorum censuram his adjunxi. Opto, ut DEUS det incrementum, & abundè fructificet!

TRA-



TRACTATUS BREVIS

De Obligatione Regulæ &
Constitutionum in Religiosis
Ordinibus.

C A P U T I.

*De Paradiso terrestri præfigurante Eccle-
siam Novi Testamenti, eius pulchritu-
dine & defectu.*

PLantavit DEUS Paradisum voluptatis à
principio, produxitque de humo omne
lignum pulchrum visu, & ad vescendum
suave, & ornavit illum omni pulchritudi-
ne, quæ ad oblectationem posset deservi-
re: & fluvius egrediebatur de loco volu-
ptatis ad irrigandum Paradisum, qui inde

2 De Obligatione Regulae &c.

dividitur in quatuor Capita, Geon, Phison, Tygrim, & Euphratem. Et posuit in eo hominem, quem formaverat, rectum & perfectum in anima & corpore, ornatum omni scientia, gratia & virtutibus, inseparabilem & immortalem, ut DEUM Conditorem suum ex toto corde, & super omnia diligenteret. Et in recognitionem tantorum beneficiorum imposuit illum hoc unicum praeceptum: *Ex omni ligno Paradisi comedere, de ligno autem scientiae boni & malis ne comedas, in quocumque enim die comederis ex eo, morte morieris.* Sed invidi diaboli, qui homicida fuit ab initio, mortuus intravit in Orbem: nam homo, qui obediendo DEO poterat esse immortalis & beatus, suggestione diaboli per inobedientiam recessit a DEO Creatore suo, audivit serpentem venefice incantantem, perdidit DEUM, perdidit se, perdidit Paradisum immortalitatem, & totam posteritatem in numeris subjecit miseriis. Hæc in lege naturæ, in qua omnia erant magis corporalia & figuralia.

§.

§. Primus.

*De Ecclesia Novi Testamenti, sancta & spiri-
tuali, & Religioso statu in ea inchoato,
à Christo Domino & Apostolis.*

2. AT in Nova Lege, spirituali, & veri-
tatis, plantavit quoque DEUS Paradi-
sum voluptatis, sed longè perfectiorem, &
pulchriorem, Ecclesiam scilicet Novi Te-
stamenti, totam in spiritu & sanctitate. In
ea posuit Unigenitum suum, novum Ada-
mum, ut esset caput & exemplar membro-
rum, & per sanctissimam vitam & obedi-
entiam usque ad mortem reduceret Adami
Posteros ad DEUM, à quo per inobedien-
tiā recesserant. Insuper plantavit in illo
Paradiso vineam electam, Angelicum scili-
cet statum Religionis, selectam illam Ec-
clesiæ partem, florem, & pretiosissimum
lapidem inter Ecclesiæ ornamenta, hortum
illum fortissimè conclusum, Paradisum de-
liciarum, sanctitatis domum, scholam vir-
tutum, bellatorum stationem, Cœlum ter-
renum, cuius umbra cooperuit montes,

4 De Obligatione Regula &c.

cujuſ propagines extenſæ à mari uſque ad
mare, & Christus in medio ejus eſt fons
irrigans radices ejus, & eam fœcundissi-
mam reddens. Ipſe primus vitæ Religioſæ
fundamenta poſuit in Palæſtina, & ibidem
vixit in ſuprema obediētia, factus Patri
obediens uſque ad mortem Crucis: Quod
præceptum ingrediens mundum lubens à
Patre acceptavit, in virginea caſtitate, in
ſumma & tanta paupertate, ut non habe-
ret, ubi caput ſuum reclinaret. Cujuſ ad e-
xemplum Apoſtoli ſuum Magiſtrum imita-
ti ſunt. Similiter variii illorum diſcipuli.

§. 2.

Quomodo floruerit, ad diuersas mundi partes
extenſus fuerit, & de flore & fructu qua-
tuor Ordinum Mendicantium.

3. E Xinde eam tranſtulit in Ægyptum: u-
bi primos Monachices Magiſtros po-
ſuit Antonios, Hilariones & plures hujus-
modi ſanctitatis Heroes. Sub quorum di-
ſciplina quandoque tria, quandoque qua-
tuor millia uni Patri ſubfuerunt, & Religi-
ofiffi.

osissimè vixerunt; homines ex diversis generibus & regionibus natj, ad tantam identitatis sinceritatem coaptati sunt, ut una anima in multis corporibus conspiceretur. Qui infirmus erat corpore, multos habebat affectu ægrotantes. Qui animâ & grotabat, multos habebat sanantes. Lites & contentiones aberant. Communis charitas omnia communia faciebat, vietum, vestitum, labores, orationes & coronas. Hujus vineæ Duceb posuit Augustinum in meridie; in Occidente Benedictum; in Oriente Basiliū; in Aquilone alios. Hi omnes in tanta sanctitate vixerunt, ut in Ordine S. P. Augustini recenseantur homines Sanctitate clari sexdecim millia & ducenti. Sub Regula S. Benedicti referantur canonizati quadraginta quatuor millia, & viginti duo. Quorum quinque millia, quingenti, & quinquaginta quinque vixerunt in uno Cassinensi Monasterio, & ibidem sepulti sunt. In Cisterciensi, Præmonstratenſi, & Carthusiensi, quasi innumeri in maxima sanctitate floruerunt. Imò tunc passim omnes Sancti.

4. Tandem divisus est fons ille Paradisi
in quatuor capita, sive flumina, quæ egre-
diebantur de Paradiſo ad irrigandam uni-
versam terram. Hi sunt quatuor Ordines
Mendicantium, qui in spiritu Apostolorum
incipientes, progressi sunt per universum
Orbem, promulgârunt Evangelium Chri-
sti, per mare, per terram, per ignem &
gladios, dantes animas suas, ut perditas o-
ves adducerent ad ovile Christi, & innu-
meras animas doctrinâ sanâ, exemplari vi-
tâ, signis & miraculis extraxerunt è diabo-
lica captivitate, & lucratî sunt Christo.
Tantus erat zelus erga salutem animarum,
ut in quodam numerosissimo Generali Ca-
pitulo Ordinis S. Dominici, in quo, nomine
Summi Pontificis petebatur, si essent aliqui
parati ad prædicandum Evangelium Chri-
sti in terris infidelium? Ad unum omnes
responderunt se paratissimos. Hi omnes vi-
vabant religiosissimè, in magna sanctitate,
in observantia votorum, Regulæ & Conſti-
tutionum exætissimi. In maxima austerita-
te & mortificatione corporis, per jejunia,

adis flagella, catenas ferreas, cilicia, &c. Hi
gre. sunt viri Apostolici, & qui fortes & varii,
uni. qui rhedam Evangelicam deduxerant in u-
ines niversum Orbem. Hæc est florens illa vi-
rum nea, quæ dedit odorem suavissimum cunctis
sum populis. Hæc sunt ligna plantata in Paradiso
hri. producentia fructus honoris & honestatis.

Sanctissimæ Virginis Therese revelatus
fuit latissimus campus, quem S.P.Dominicus
cum maximo exercitu Sanctorum Filiorum
occupabat, qui omnes heroicè decertarant
contra Hæreticorū antesignanos, & princi-
pes eorū dæmones infernales. Quorū nomi-
na scripta erant in vasto volumine, quod
eidem Virginis tradebatur. Non minora, re-
feruntur in Chronicis Seraphici Ords, ac Mon-
tis Carmeli, in quibus floruerunt doctrinâ &
sanctitate præstantissimi Viri sine numero.

§. 3.

*Invidet diabolus, querit diversa media de-
struendi hanc spiritualem Vineam, &
longo tempore non potuit.*

5. **A**D talem phalangem ipse diabolus ac-
cedere metuebat, vincere desperabat,

se perdere cernerbat. Ea propter antiquus
ille serpens, & callidus tentator, qui pri-
mum Paradisum destruxerat, variis modis
tentavit ingredi hortum hunc conclusum,
nec potuit. Quid tandem fecit? Convoca-
vit omnes principes tenebrarum, inivit
consilium cum suis, quā viā id perficere
possent. Unus inter illos cæteris callidior
suggerit, ut viventibus Dominico & Franci-
scō quiescerent à laboribus suis: futurum
post mortem illorum ut multiplicatis cœ-
nobiiis reciperen ad Ordinem nepotes ex
affectu carnali: adolescentes sine zelo per-
fectionis, delicatos & assuetos deliciis: No-
biles, ambientes dignitates: Doctores, ar-
rogantes ob doctrinam: ac tandem pro
conservatione Ordinis cogerentur recipere
quosvis: ac proinde tepeſce: et iunc zelus,
frigesceret charitas, flaccesceret observan-
tia! & ita facile possent intrare hortum i-
stum, pro tunc nimis fortiter conclusum,
& vineam hanc eleētam devastare. Placuit
consilium omnibus, expectarunt oportu-
num illud tempus, & immiserunt vulpecu-

las

las divetas in vineam istam, ut eam valide demolirentur: incipientes à minimis, nemini patentes ipsorum insidiæ, & sic via disponeretur ad majora. Nam callidus hostis ita decipit, cum nobis persuadet, parva non magni facere, inquit *S. Anselmus*, sciens, ubi parva negliguntur, quod totus Ordo paulatim dissipatur & destruitur, cum sine parvis istis stare non possint majora, (inquit *D. Hieronymus*.)

§. 4.

Incepit illam cautè destruera à minimis, & successu temporis eam destruxit in diversis mundi partibus, & quibus mediis.

6. *In*cipitur ergo hujus electæ vineæ de-
vastatio à parvis dispensationibus &
dissimulationibus; sensualitas incepit habe-
re locum; exercitia spiritualia flacceſſere,
oratio mentalis, meditatio, recollectio quo-
tidiana, examina conscientiæ, reflexio su-
per omnia opera sua, communicatio sui i-
psius apud Superiorem, seu quod apud nos
Capitulum quotidianum, sive de culpis vo-
catur, pro sola forma, & non serio fieri,
- vel

vel omitti, hæc & similia ad vitam religio rur
sam traducendam omnino necessaria. Inde no
ulterius progressum est. Ad quid (inquit vi
uit) tot Constitutiones, quæ retineri non Ch
possunt? Sufficit nobis Regula. Post hæc i
terum: Ad quid toties legere Régulā, quam
tenemus memoriter? Sufficient nobis vota.
Tandem eò devenitur, ut vulpecula fiant
vulpes, & devastent vineam, usque ad fun
damentum in ea. Recipiuntur divitiae, aug
mentantur census, fiunt Monasteria magni sup
fica, portantur pecuniae &c. Cùm his (in
quiunt) stare potest paupertas spiritus O
Servi DEI debent benè tractari, nihil ipsi An
deesse debet, ne cogantur illa querere a
pud sœculares. Ibi radix incontinentiae, na
venter plenus est seminarium libidinis sui
Non in omnibus (inquiunt) parendum es
obedientiae. Struuntur convivia, invitantur
amici, reinvitantur Religiosi, deseritur Of
ficium Divinum, negligitur studium, fit fre
quens conversatio cum sœcularibus. Fina
liter verificatur illud Psalmistæ: Commixti
sunt inter gentes, & didieerunt opera eo- &
rum

rum, & factum est illis in scandalum, &
non ipsis tantum, sed scandalosa ipsorum
vita perdidit innumeratas animas in populo
Christiano.

§. 5.

Stupenda & deploranda ruina.

7. **Q**uomodo obscuratum est aurum, mu-
tatus est color optimus, dispersi sunt
lapides sanctuarii in capite omnium plate-
arum. Denigrata est facies Nazaræorum
super carbones, non sunt agniti in plateis.
O quantum distamus ab his, qui in diebus
Antonii fuerunt Monachi! Sic Macharius vi-
xit? Sic Basilius docuit? Sic Antonius insti-
tuit? Siccine alii fundatores Ordinum filiis
suis talia documenta reliquerunt? Væ no-
bis! (inquit S. Thomas à Villa Nova) quia
solum nomen vacuum Religionis, tonsu-
ram & habitum gestamus.

8. Plangite nunc Patres super filios ve-
stros, in quibus sanctus DEI timor aut re-
cessit, aut friget. Filii Sion quondam incli-
& amicti auro primo, plangite super vos
& super filios vestros, quod nomen San-
cto-

Etorum Parentum inaniter gestatis. Sic v gr
vendo, sic operando procul aberitis à repte
cipienda mercede centupla, & vita æternæ fra
quando post horam undecimam, dum ser ho
factum erit, Pater familias ad solvendum oj
perariis redierit.

C A P U T II.

*In quo exponitur vera & prima origo
hujus ruinæ.*

9. **M**irum fortasse alicui videri posse su
quomodo eminens ille perfection in
status à sanctissimis viris, D E O inspirant ha
& adjuvante, ita firmiter fundatus, tot pro ni
pugnaculis munitus, in quo sancta Regula ta
sanctæ Constitutiones, continuæ exhorta san
tiones, per verba & exempla, tot sancta Ere
xercitia, quæ est vera Turris Davidica, ei an
qua mille clypei pendent, in qua est omni ma
armatura fortium, contra diabolum, mun er
dum & carnem. Mirum, inquit, videri ru
posset, quomodo fortissima illa turris, to
munita præsidiis, ita deficere potuerit. Ve
rūm enim verò si quis benè consideret T
quod perfectissimi illi Principes Cœli, to
gra-

cvgriatæ auxiliis confortati in veritate non
resteterunt: non mirabitur, quod lutea illa &
fragilis creatura inter tot pericula & tot
hostes deficiat. Quod igitur defecerit, ita
nihil fecit inimicus homo, qui continuo cir-
cuit, quærens quem devoret. Idque dum
homines dormirent, hoc est, dum Superi-
ores negligentius agerent, & minus vigi-
larent. Vel cum præcipua Religiosorum
supposita dormitionem acceperant. Quod
in diversis sæculis, ex diversis malis ortum
habuit. Nam ut referunt Chronica Ordi-
nis Prædicatorum, circa annum Dni 1348,
tam horrenda Pestis desæviit per univer-
sam Europam, ut vix decimum hominem
reliquerit. Tunc præcipui Religiosi zelo
animarum inflammati, ne infectorum ani-
mæ simul cum corporibus perirent, posu-
erunt animas suas pro animabus proximo-
rum. Et hoc modo præcipuis Suppositis
morte sublatis, reperit dæmon opportuni-
tatem bonam, suffodiendi hanc mysticam
Turrim.

Aliis quoque sæculis arripuit ansam per
bel-

bella & hæreticos, invasit Ecclesias, Monasteria devastavit & concremavit. Sacerdotibus, præsertim Religiosis, gravissima persecutiones intulit, & immaniter occidit; adeò ut crudelitatem inexplicabilem quam præcedenti adhuc sæculo exercuerunt totam ferè Europam, singulariter tamen in Partibus nostris, non tantum cognoverimus ex Historicorum monumentis sed Patres nostri, qui hæc viderunt & experti sunt, narraverunt nobis filiis suis Quid igitur mirum, quod diabolus in occasione adeò desiderata ita profundè suffoderit Religiosam hanc vineam, destruxerit maceriam ejus, ita ut omnibus prætereruntibus patuerit desolatio ejus.

10. Contra quæ mala hoc nostro sæculo omnium Religionum Superiores indefessi laborârunt, ut quæ collapsa erant, restaurata conservarent, & ulterius promoverent Inque cum ingenti profectu, in tantum, modo in singulis Religiosis communitatibus ubique Religiosè & regulariter vivatur, & in Illiis quamplurimi veri & sancti

Religiosi inveniantur. Quorum bonæ famæ nihil officit, quod inter illos reperiantur aliqui difformes, dissoluti & falsi fratres: numquam enim seminatur tam purum triticum, cum quo non metitur lolium: & ab initio non fuerit tam sancta familia, in qua non quis degener & perversus fuerit. Prout S. Augustinus ostendit à Cœlo Empyreo, & ab Arca Noe usque ad collegium Apostolorum inclusivè. Per quæ defendit bonam famam domûs suæ, contra quosdam obrectatores, qui ex paucis perversis volebant optimas communitates infamare.

II. Volens igitur sanctis conatibus bonorum Superiorum utrumque cooperari, & diversorum desiderio facere satis, qui dudum desideraverunt, ut ea, quæ in Exercitiis spiritualibus nimis diminutè à me scripta erant, magis ampliare: hunc parvum tractatulum scripsi, ut obligationes Religiosæ Regulæ & Constitutionum magis explicarem. Idque non ex proprio cerebro, sed ex sensu Sanctorum & Majorum no-

nostrorum, ponendo breviter hinc & in
eorum verba, & brevitatis causâ, sæpius
solum sensum. Qui hæc latius legere desiderat,
legat Tractatum illum, quem totum
conscriptis ex sententiis Sanctorum Patrum
doctissimus P. M. Joannes Baptista Lezana
Sacri Ordinis Beatae Virginis MARLÆ
Monte Carmelo, cuius exemplaria à pluribus
desiderantur. Zanher in decalogum cap. 4
§ 5. Peyrinus tom. I. c. 15. per totum. Fulius
Negronius in Tract. Ascetico de Cura Mi-
nimorum.

§. I.

*Declarantur causæ propinque hujus
ruinae.*

12. **U**LTIGITUR diabolicis istis machinationib
nibus efficaciter occurratur, oper
pretium erit in primis detegere callidas il
las foveas, per quas Satanicæ illæ vulpecu
læ ingrediuntur mysticam hanc vineam, q
vastari possint.

Tales foveæ sunt neglectus Orationis
Exercitiorum spiritualium, quæ hic sup
erioris retuli, aut tepida eorum executio, n
mia

industria extra Monasterium evagatio, nimia familiaritas & inordinata conversatio cum secularibus, temetsi specioso titulo fieri videatur. Ostendit *Granatensis*, quod tales subinde lucentur aliorum animas, & suas perdunt. Otiositas & neglectus studii, exemptiones, privilegia, & indiscretæ dispensationes, ambitiones, divisiones per diversas ligas, negligentes Prælati, mala educatione Novitiorum; & communissima fo-
vea est negligentia & contemptus seu parva estimatio parvarum Constitutionum & regularum, per quam imperceptibiliter destruuntur florentissima Monasteria: hoc ultimum potissimum in sequentibus declarare intendo.

§. 2.

Ponitur remedium, quo ruina restatur.

Quid igitur facto opus, ut his malis ulterius occurratur, & eliminetur? Nihil profectò aliud, quam illud ipsum, quod Sapiens præscribit, dum ait: *Capite nobis vulpes parvulas, quæ demoluntur vi-*
neas

neas. Capiuntur tunc vulpes parvulæ satanicæ, quando in Religionibus ministris quæque in Regula & Constitutionibus exactè observantur.

Quapropter ut perniciosæ istæ vulpculæ à religiosa ista vinea excludantur, hortus iste fortiter concludatur: necesse est amplius declarare fallacia fundamenta quibus innituntur Religiosi illi transgressores, & illa efficaciter refutare, & fallaciæ declarare, ne habeant ulteriùs a fasam ad excusandas excusationes in peccatis. Nam cùm proditur dolus, cùm fraude aperitur, cùm convincitur falsitas, rectissimè tunc dicitur vulpes capta, inquit.

Bernardus Serm. 64. in Cant. Allegant itaque tales Religiosi, alias boni, in sui excusationem illa, quæ in sequentibus fusius declarantur.

C A P U T III.

Ponuntur excusationes, quibus se excusant transgressoros in transgressionibus suis,
& refutantur.

14. PRIMÒ igitur allegant, quod Con-

tutiones sunt res parvi momenti in ordine ad perfectionem.

2. Quòd hæc ita faciunt cum licentia & dispensatione Superiorum; & quòd illum vivendi modum sic invenerint: & quòd maxima pars communis, & multi Viri docti sic vixerunt, & etiamnum vivunt: ac proinde quòd Constitutiones & antiquæ illæ Leges per contrariam Consuetudinem, & legitimam præscriptionem sint abrogatæ.

3 Dicunt: Illæ Leges etiamsi adhuc obligarent, obligant solum ad Veniale, per quod non possumus excludi à Cœlo.

4. Dicunt alii: Regula & Constitutiones nostræ non obligant ad culpam aliquam, sed ad solam poenam, ac proinde non minuitur per transgressiones perfectio, ad quam obligamur.

§. I.

15. Respondetur ad primam excusationem, quam prætexunt continui transgresores: quòd in Religione exæstè observare Regulam & Constitutiones, etiam mini-

B.

mas

mas, est res magni momenti, continet maximam perfectionem, addit illam votis, & conservat vota.

I. Probatur: Quia diabolus, volens destruere Religiosam observantiam, incipit à minimis, ut supra dictum est: Ergo a contrario, qui vult in se construere observantiam, debet à minimis incipere; quia hoc parat viam ad vota, sicut observantia votorum parat viam ad servanda Præcepta, inquit S. Thomas quodlib. 4. ar. 23. & sine ills difficile est, servare Præcepta.

II. Probatur. Ex verbis SS. Patrum, quos citare ad longum omitto brevitati studens: dicunt etiam, quod Religiosum ad observantiam, etiam minimorum, impellere debet cordialis amor DEI & perfectionis virtutum, ad quæ tendere DEO promisit: insuper & ædificatio proximorum, ad quam præ omnibus Christianis peculiari obligatione Religiosi adstringuntur. Præterea quod nihil est parvum, quod DEI causâ fit. Quod DEO placet, & ipsi gratum est. Quod DEUM ipsum meretur in mercedem

Qui

Qui à minimis incipiunt, in maxima proruunt, sive in bono, sive in malo, & Christus ipse B. Magdalena de Parzi mandavit, dicens: Tanti facias Regulam, statuta & vota tua, quantum volo ut me aestimes. Et de parvis defectibus & peccatis inquit S. Bernardus; Nemo dicat in corde suo: levia sunt ista, non curo corrigere, non est magnum, si in his maneam venialibus minimisque peccatis. Hæc est (inquit) impoenitentia, blasphemia in Spiritum Sanctum irremissibilis.

III. Probatur; Christus dixit Mat. 5. v.

17. Quod non venit solvere legem, sed adimplere: adimplevit legem, & maximè perfecit illam superaddendo ei aliqua, quæ parva videbantur. Exempli gratiâ, Legem, Non occides, datam antiquis, perfecit quam maximè, addendo illi: ut ne quidem irascamur; ubi lex de non occidendo cum maxima perfectione superaddita continetur in non frasci. Nam, qui ne quidem irascitur, longissimè abest ab occidente. Similitet qui ita constitutus est, ut ne quidem venialiter ve-

lit offendere DEUM, perfectissimè implet legem charitatis, & longissimè abest à mortali odio. Quam perfectionem accipit ab observantia legis in parvo, ut videatur. Similiter ergo respectu voti castitatis maximum quid addit, qui ne quidem vult oculum figere in muliere, quod habet ex observantia Regulæ. Iterum: Qui nihil vult recipere, quod non statim plenissimè submittit liberæ dispositioni Superioris, perfectissimè implet votum paupertatis. Perfectissimè obediens est, qui Superior usque ad minutissima promptè obtemperat, & causam quare sic, vel aliter præcipit, non indagat. Has perfectiones accipiunt vota ab observantia parvarum Constitutionum, in quarum observantia continentur votorum observantia, & superaddunt majorem perfectionem. Quia Constitutiones ordinantur ad perfectionem votorum, inquit S. Thomas infrà citandus.

Insuper: Signum est evidens perfecta dilectionis, quod aliquis ita dispositus est, ut nequidem in minutissimo velit esse DEO in.

infidelis, sed promptè & alacriter omnia illi solvit. Cedit hoc quoque plurimum in DEI honorem. Est DEO gratissimum, & rumpit viscera misericordiæ DEI nostri, adeò, ut liberalissimè super tales Religiosos thesauros gratiæ suæ effundat, eos specialissimo auxilio gratiæ præservando ab omni malo, & promovendo admirabiliter in omni bono. *Vide latius de his Alphonsum Rodericum de Perfectione part. I. Tract. I. cap. 9. & sequentibus.*

IV. Probatur: Ex gratiis & beneficijs, quibus à DFO præmiantur, qui sua statuta exactè observârunt. Refert *S. Bernardus* visionem de quodam sancto viro *Gerardo*, cui ante mortem revelatum fuit à Christo, quod nulli Religiosi sui Ordinis perirent, qui diligenter observarent statuta & Regulas suæ Religionis. Idem revelatum fuit *S. Thomæ*, ut habetur in *Vitis Fratrum Ordinis Prædicatorum*. Et *S. Mater Terezia* refert diversos Religiosos, qui in perfecta observantia Constitutionum vixerant, sine Purgatorio ascendisse ad Cœlum. Qui ve-

De Obligatione Regule &c.,
 rò referuntur in actis Generalium Capitulorum Ordinis nostri obiisse cum opinione sanctitatis, semper ferè additur quòd in observantia Constitutionum fuerint exactissimi. Econtrà autem referuntur in diversis historiis gravissimæ punitiones eorum, qui negligentes fuerant in observantiis, etiam parvis, suarum Constitutionum, quas brevitatis causâ omitto. Refert varias Petrus Damianus, & P. Engelgrave, in *Luc. Evangelica*, in Sermone super Evangelium Dominicæ 6. post Epiphaniam. Et in *Vitis Fratrum Ordinis Prædicatorum* parte 5: cap. 5.

C A P U T IV.

Secunda Excusatio (Quòd hæc ita faciunt cum licentia &c.) allegata refutatur.

I6. **A**D secundam Excusationen respondetur: quòd Superiores acceperint potestatem in ædificationem, non in destructionem, & vera dispensatio requirit causam necessariam, honorem DEI vel majoris boni in proximis, quæ in relaxata vita regulari non reperiuntur. Superiores sine prædictis causis dispensantes sunt duces

ces cæcorum, & subditi utentes tali dispensatione cum ipsis simul in foveam inferni cadunt. De quo subjungo, quæ habet Religiosissimus Pater Joannes Nider, de Reformatione Lib. I. Cap. II. hoc modo:

Sextò sequitur: Quod dispensatio, quæ hodie passim in multis Religionibus fieri videtur, & dissimulationes in continua non tentione silentii in interdictis locis & temporibus: in fractione continui jejunii regularis, in perpeti comeditione carnium: in lineis vestimentis, & culcitrīs penneis seu lectorum usū frequenti: in fuga à choro & cantu Divini Officii: in usu tonsuræ & habitibus prohibitis: in negligentia studii literarum: imò potissimum in appropiatione pecuniae & similiū, quæ in Regula & statutis sunt probita, non sunt dispensationes, sed dissipations; in quibus nec Prælatus potest dispensare, nec subditus talem dispensationem accipere. Apud multos igitur obtinet vulgaris ista definitio: Dispensare est cum licentia infernum intrare. Hæc ille.

Et in deformatis & relaxatis communiatibus, non oportet sequi majorem par-

tem, quia ibi major pars ingreditur amplam & spatiösam viam, quae dicit ad perditionem. Et forma vivendi non à pluribus, sed ab honestioribus sumenda est, inquit *S. Bonaventura*. Tales sunt, qui vivunt regularem vitam in professione promiserunt, quamvis in numerosissima community forent solum duo vel tres. Excusatio illa, quod talem vivendi modum ibi invenerint, non indiget responsione, sed emendatione. Et viri docti sic viventes, praeter commune peccatum transgressionis, peccant gravissimo peccato scandali, quod vitam suam non conforment sanctæ doctrinæ coram pusillis.

Neque habet hic locum præscriptio ad abrogandas Constitutiones & Regulam; quia nullo tempore, quamvis longissimo, potest peccatum præscribere contra virtutem, nec malum contra bonum.

§. I.

Refutatur 3. Excusatio.

Quod 3. alii producunt in excusationem suarum transgressionum, nimirum, quod Re-

Regula & Statuta non obligent ad mortale, sed ad solum veniale; ac propterea se per transgressiones non posse excludi à regno Cœlorum: est indigna excusatio pro viro religioso, qui profitetur perfectionem, est responsio meri servi & mercenarii.

Ut refutetur hoc malum fundamentum, breviter referam ex communi sententia Theologorum & dictis Sanctorum Doctorum, quanta mala & pericula contineantur in peccatis venialibus, ut illis cognitis treuantur omnes, & abstineant ab illis, præcipue Religiosi: Loquor præcipue de peccatis venialibus, quæ committuntur deliberatè & sine urgente causa; non verò de illis, quæ committuntur per inadvertentiam, aut ignorantiam, vel fragilitatem, quæ permittuntur à DEO in justis ad exercitium humilitatis, & facile dimituntur.

§. 2.

De malitia peccati Venialis, & quam graviter à DEO puniatur.

18. J Lluminatiss. Doctor P. Joannes Tan-

Ierus dicit: Quod nullâ linguâ explicari queat, nec ullo intellectu capi, quanta malitia contineatur in uno peccato veniali, quam pernitiosum sit animæ, & quanta mala adferat eidem. In primis continet contemptum & injuriam in DEUM quodammodo infinitam, propter infinitam dignitatem offensi, & maximam vilitatem offendentis: Sine comparatione major est injuria, quæ irrogatur DEO per unum veniale peccatum, quam si aliquis occideret proprium parentem, loquendo de injuria, quæ præcisè fit parenti.

Plurimum displicet DEO ac offendit illum, qui tam magnus est. Omnia mala pœnalia hujus mundi, ut ignes, cruces, laneria, gladii, &c. Omnes difficillimi morbi totius mundi, ut calculus, iliaca passio, sciatica, podagra, & omnia simul juncta, comparari naqueunt cum malitia unius peccati venialis, quo circa deberet quis secundum reclam rationem præeligere millies ac millies intrare ardentem fornacem, quam vel unum veniale peccatum deliberate committere.

Po-

Potius toleranda est omnis mors pœnalis, imò annihilation, quām unum veniale admittere. Quocirca rectè quidam Sanctus. Malo dæmonum adire domicilium, quām vel levi noxâ DEUM offendere.

Si Sanctissimæ Virginis daretur optio, utrum duorum præeligeret, admittere nimirum peccatum veniale, vel videre Filium unigenitum subire omnia tormenta transacta, (si sine peccato id fieri posset) & liberare posset omnes homines ab æternâ damnatione: mallet Christum hæc omnia iterum pati, imò ipsamet vellet hæc potius omnia ei infligere. *S. Brigitta de Revelatione.*

Punit DEUS illud frequenter in hoc sæculo gravissimis pœnis, qui tamen tam justus est. *Moyses & Aaron* propter levem incredulitatis culpam terrâ promissionis privati sunt, ac morte puniti. *Oza* ob levem irreverentiam commissam erga Aracam, à Domino morte percussus interiit. *David* ob curiositatem commissam in numerando populo punitus fuit peste. quō

De Obligatione Regulæ &c.
paucis horis obierunt 70000. Varij San-
eti Patres dicunt in his solum veniale fu-
isse commissum.

In futuro illud punit dirissimâ poenâ i-
gnis, qui tamen adeo misericors est. Nam
omnes poenæ hujus sæculi non sufficiunt
ad levem aliquam noxam expiandam. Le-
guntur in diversis Historijs varij gravissi-
mè puniti, & diutissimè in flammis purga-
torijs ob leves noxas, quas videre licet in
Luce Evang. Engelg. qui multa ibidem hor-
renda scribit de peccatis venialibus. Di-
sponit quoque ad mortem animæ, sicut fe-
bris disponit ad mortem corporis. Præte-
rea ita liberè & sine causa continuò com-
mittit re peccata venialia in causa est, quod
plurimi in æternum damnentur. Quia se-
cundum communem doctrinam Theolo-
gorum hujusmodi liberis Transgressoribus
in poenam peccatorum negat DEUS sæpè
speciale auxilium gratiæ, quando urget
tentatio ad peccatum mortale, & ita suc-
cumbunt tentationi, & peccant mortaliter.
Et sic progredientes, ex uno mortali inci-
dunt.

dunt in aliud; quia peccatum posterius est
pœna peccati prioris: ac tandem in pec-
catis vitam finiunt, & æternūm damnar-
tur. Quam doctrinam quilibet graviter ap-
prehendere debet. Insuper pulchritudinem
animæ maculat, fervorem charitatis, DEO
adeo gratum, facit flacessere. In actioni-
bus bonis meritum gratiæ & gloriæ impe-
dit, retardat à consecutione regna Cœlo-
rum. Religiosi deberent plus deplorare u-
num veniale, quam simplices sacerdtares di-
versa mortalia.

19. Et quod valde mirum alicui videbi-
tur, sed nihilominus verum: Quod sœpè
periculosius peccatur in parvis peccatis,
quam in magnis. In ore duorum testimoni
fide dignissimorum hæc veritas confirmata
tur, Chrysostomi videlicet & Greg. Ma-
gni, ita loquentium: Mirabile quiddam, at-
que inauditum dicere audeo; solet mihi non-
nunquam non tanto studio magna peccata vi-
deri vitanda, quanto parva & vilia: illa enim
ut aversemur, ipsa peccati natara efficit, hæc
autem, bac ipsa re, quia parva sunt, desides

reddunt; & dum contemnuntur, non potest ad expulsionem eorum animus generosè insurgere. Unde citò ex parvis, maxima sunt negligentia nostrâ. Chrysostomus Hom. 87 in Matth. Nonnunquam deterius in parvis, quam in magna culpa peccatur. Major enim quò citius agnoscitur, eò enim celerius emendatur: minor verò, dum quasi nulla creditur, eò pejus, quò & securius in usu retinetur. Gregorius Magnus 3. p. Pastoralis, Admonitione 34.

Hæc duo testimonia æq; efficaciter probant, quòd in frequenti transgressione minimarum constitutionum sàpè periculosius peccetur, quam in transgressione votorum.

Ex his jam dictis liquet, quam insipienter loquuntur, qui dicunt: parva sunt ista, sunt tantùm venialia &c. Contra quos meritò graviter excandescit S. Bernardus superius citatus, vocans hoc impænitentiam, peccatum in Spiritum Sanctum, & irremissibile,

C A P U T V.

De quarta causa, quâ se excusant Transgressores Regulae & Constitutionum.

20. **A**lij tandem excusant continuas trans-

transgressiones suas ex eo, quòd Regula & Constitutiones eos non obligent ad aliquam culpam, sed ad solam pœnam taxatam, ac proinde quòd per transgressiones non diminuatur perfectio, ad quam ex vi professionis tendere tenentur.

Hæc excusatio habet majorem apparentiam, quàm præcedentes, & propterea plures per illam inducuntur ad transgre-diendum: ac proinde pluribus argumen-tis & fortioribus refutari debet. Et omnia quæ adducentur ad illam improbandam, à fortiori improbabunt tres præcedentes excusationes. Quod ut debitè fiat, expli-car debet fusiùs obligatio Regulæ, & Con-stitutionum illarum, quæ obligant ad so-lam pœnam. Nam quidquid de hujus ob-ligatione dicetur, à fortiori convenit Regulæ & statutis illis, quæ obligant ad peccatum.

§. I.

Refutatur 4. Excusatio.

¶. **U**T igitur refutetur 4. Excusatio & explicetur obligatio Regulæ & Con-

Constitutionum, notandum est.

Nota I. Quòd in quibusdam Religionibus multa continentur in Regula & Statutis, quæ obligant ad peccatum mortale, quæ constant ex verbis Regulæ Exposuit olim R. P. Joannes Capistranus Eugenio IV. quòd in Regula S. Claræ continerentur 130. præcepta regularia obligantia ad peccatum mortale, quorum ferè omnium obligationem abstulit præfatus Pontifex. Ita refert R. P. Marchant in *Resolutionibus casu 50.*

In alijs quibusdam Religionibus transgressio Regulæ &c. obligat ad peccatum veniale: quia hæc fuit intentio Superiorum instituentium & subditorum profitentium.

Sunt & aliæ Religiones, in quibus Regula & Constitutiones non obligant Transgressores ad aliquam culpam, sed ad solam pœnam taxandam. Ita est in Ordoine Prædicatotorum, in quo Regula & Constitutiones obligant ad solam pœnam, nisi propter præceptum, vel contemptum, Constat ex prologo Constitutionum, Tex-

in 6. litteram Ex S. Thoma 2. 2. q. 186.

art. 9.

Nota II. Quòd præcepta Superiorum sunt in duplici differentia: aliqua vocantur præcepta formalia, quæ fiunt sub hæc verborum forma: Præcipio hoc, vel illud, in virtute Spiritus Sancti & Sanctæ Obedientiæ, &c. Et hujusmodi præcepta obligant ad mortale, etiam facta in materia alias indifferenti, dummodo habeat motum multum conducens ad regularem observantiam. Exempli gratiâ: Hæc modo sæpè præcipitur, ne Religiosi ingrediantur mutua cubicula, ne ingrediantur hanc, vel illam domum: ne comedant, vel bibant in civitate, & alia similia.

Alia præcepta sunt simplicia, vel materialia, quæ Superiores sæpè faciunt oretenus, sine certa verborum forma, ut dum dicunt: Volo, vel mando, ut hoc, vel illud facias. Et hujusmodi præcepta non obligant ex se ad aliquam culpam, nisi esset magna materia, sed in Ordine Prædicatorum ad solam pœnam, ut patet ex prolo-

36 *De Obligatione Regulæ &c.*

go Constitutionum Text. 4. littera L. & fe
in Cap. de Novitijs in declarationibus ad ra
textum 3. in fine. *Ubi & ratio additur.* Ex tio
quibus constat, quod Constitutiones & nu
Regula, quæ obligant ex se ad solam pœ
nam, propter superveniens præceptum for
nale, obligent ad peccatum; quia tunc si
contra obedientiæ votum, inquit *S. Thomas.*

C A P U T VI.

*Utrum in Religionibus, quarum Regula &
Constitutiones obligant ad solam pœnam,
citra præceptum aliquando adhuc
obligent ad peccatum.*

I. Respondeatur: Religiosos esse in statu
perfectionis, non acquisitæ, sed ac
quirendæ. Perfectio illa consistit in chari
tate perfecta, & aliarum virtutum. *S. Tho
mas* 2. 2. q. 186. a. 6. *in corp.*

II. Respondeatur: Religiosos inde per
petuò obligari ad ea, quæ perfectionis
sunt, quæ obligatio oritur ex voto profes
sionis paupertatis, castitatis & obedientiæ.
Ibidem.

III. Respondeatur: Religiosi ex vi pro
fessi.

fessionis tenentur semper tendere & ope-
ram dare, ut habeant charitatem perfe-
ctam: quæ tendentia consistit in observa-
& tione votorum, Regulæ, & Constitutio-
num. *Ibidem art. 7. ad 1.*

IV. Respondetur: Votum professionis
principaliter respicit tria vota: alia verò
omnia, scilicet Regulam & Constitutio-
nes, quæ ad vota ordinantur, respicit se-
cundariò. Ideo transgressio votorum obli-
gat ad mortale: aliorum autem transgres-
sio non obligat ad mortale, sed ad solam
poenam taxatam, nisi propter contem-
ptum, vel præceptum: Quia contemptus
contrariatur professioni, per quam vovi-
mus regularem vitam. Transgressio præ-
cepti ipsius Prælati, vel Regulæ est contra
obedientiam. *Ibidem art. 9. in Corp.*

Nota I. Circa hanc responsonem: quod
aliqua annexuntur voto professionis pro
diversitate Religionum, prout congruit e-
orum diverso fini, vel honestati, quæ o-
bligant sub peccato: ut persolvere Horas
Canonicas, frequentare chorum, studere
di-

diligenter *S. Scripturæ, Theologie, præser-*
tim morali, & controversijs, pro Ordini-
bus Mendicantium, abstinentia à carnibus,
pro Carthusianis, cibus. Quadragesimalis,
pro Minimis, deferre habitum sui Ordinis,
pro omnibus, non egredi monasterium
furtivè, & maximè nocte quod Clemens
VIII. posuit inter casus reservabiles; cui
vicinum est: egredi monasterium cum li-
centia obtenta mentito titulo, ut prætextu-
eundi ad infirmos, ire ad alia consortia;
quia inde nata sunt sequi gravia mala in
præjudicium Religionis, præsertim quan-
do sit nocte. Idem est judicium de simi-
libus.

Nota II. Sæpè contingere, ut in trans-
gressionibus Constitutionum, in quibus
subditi incurrit solam pœnam, Superio-
res graviter peccent, si per illas transgres-
siones vident graviter relaxari observan-
tiam Regularem, & non conantur pro pos-
se illa emendate.

V. Respondeatur: Religiosus non trans-
greditur suam professionem, si non sit per-
•
fe.

fectus, sed solum si contemnat ad perfectionem tendere. *Ibidem art. 9. in corp.*

V. Respondetur: Duplici modo contemnit Religiosus ad perfectionem tendere:
I. formaliter, quando elicit actum hunc:
nolo subjici Regulæ & Constitutionibus.
II. Quando per notabilem negligentiam
& talem incuriam omittit tendere ad per-
fectionem, qualis explicatur *Kef. 8.* Quod
est contemptus interpretatus.

VII. Respondetur: Religiosi Ordinis
Prædicatorum in transgressione suarum
constitutionum possunt peccare venialiter,
vel mortaliter ex negligentia, ira, vel
contemptu. *Ibidem art. 9. ad 1.*

VIII. Respondetur: Religiosi Ordinis
Prædicatorum, & aliorum Ordinum, quo-
rum Regula & Constitutiones non obli-
gant ad aliquam culpam, diversis modis
peccare possunt, mortaliter, vel venialiter,
in illarum transgressione.

1. Quando illarum transgressio provenit
ex mala causa, quæ est peccatum.

Quando etiam sine mala causa, cum

40 De Obligatione Regulae &c.

contemptu virtuali fit transgressio.

3. Quando ipsa transgressio Constitutionum ex causa peccati.

Explico singula cum Exemplis.

§. I.

Explicatur primus transgrediendi modus.

23. Primus modus, quo transgressio Regulæ & Constitutionum est peccatum, contingit, quando illa oritur ex causa peccaminosa. Ratio est: Quia malitia causæ transfunditur in effectum, & exinde opera alias bona fiunt peccatum: ut elemosyna data dauperi mulieri ad forniciandum cum illa, est peccatum mortale.

S. Thomas citatus respons. 7.

Ita peccat graviter, qui ex formalis contemptu transgreditur Regulam & Statuta. Quod tunc contingit, quando ideo transgreditur, quia non vult illis subjici, idque, vel ex malitia, vel quia judicat illa irrationalia, vel nullius momenti. Ratio est: Quia hoc directè contrariatur voluntate professionis, quo obligatur per illa media tendere ad perfectionem. Insuper, quia

quia causa, ex qua procedit transgressio,
est peccatum, scilicet contemptus. *S. Ber-*
nardus ait: *Neglectus culpabilis, contemptus*
damnabilis est.

Similiter peccant, qui Regulam & Con-
stitutiones volunt continuò transgredi, &
poenas subire recusant. Ratio est; quia hoc
expressè contrariatur voto Professionis, in
quo promittit vivere secundùm Regulam
& Constitutiones, quæ requirunt, ut illa
observet vel subeat poenam.

A talibus non prout absunt illi trans-
gressores, qui poenas inviti subeunt, &
murmurant contra illas, ac si eis fieret in-
juria.

Peccant etiam, qui ignorant Statuta &
Ordinationes sui Ordinis, & negligunt il-
lis legere & addiscere: quia tales convin-
cuntur ex hoc nolle implere ea, ad quæ
per professionem se adstrinxerunt; quo-
circa talis ignorantiae & negligentia, ex
qua peccant, non excusat, quia est de illis,
quæ tenentur scire.

Illi quoque, qui ex ira, ut se vindicent

con-

contra Superiorem, murmurant tempore silentij: vel ex mera gula frangunt jejuniū Ordinis, & sic de alijs: peccant quoque venialiter, vel mortaliter, secundūm qualitatem causæ, ex qua moventur ad transgrediendum.

Pro quibus tamen nota: Quod in casibus positis & alijs similibus, transgressio Regulæ vel Constitutionum non habet distinctam malitiam à malitia causæ, ex qua procedit. Ita in præsenti sufficit in confessione dicere, in I. casu, commisi peccatum gulæ in materia levi. In II. casu murmuravi graviter, vel conspiravi contra Superiorem.

Debetur tamen illis peccatis duplex pena: una, quia sunt peccata: altera, quia sunt contra Regulam, vel Constitutiones quæ ad specialem poenam obligant.

§. 2.

*Explicatur secundus transgrediendi modus b
supra positus. 2. Quando etiam &c.*

24. PRæcipua difficultas hic est de continua transgressione Regulæ
Con-

Constitutionum sine aliqua mala causa,
sed ex nulla, vel frivola, ex mala consue-
tudine.

Utrum in tali transgrediendi modo con-
tineatur peccatum? Et quale peccatum?
Quæ res visa est semper valde obscura, &
eius resolutio à multis dudum desiderata.

Ad quam difficultatem respondeo: Si
tales transgressores, dum subinde adver-
unt suum irregularem modum vivendi,
epœniteant de illo, & proponant se emen-
dare, & utcumque conantur, quamvis val-
de periculosum sit ita vivere, puto tamen
in illo non contineri virtualem contem-
ptum. Quia contemptus tollitur per pœ-
nitentiam & emendationis propositum,
sive per hoc, quod judicent se malè face-
re, quando advertunt continuas suas trans-
gressiones, & ita implicitè dolent, quo
circa talis vivendi modus videtur perti-
nere ad fragilitatem humanam, & nondum
pertingere ad contemptum.

Si verò illi transgressores continuò &
quamvis occasione habitâ, liberrimè trans-

C.

gre-

grediuntur Regulam & Constitutiones, cum nulla aut frivola ratione, & in hujusmodi transgressionibus perseverant per hebdomadas, menses &c. Et hoc subinde advertentes, neque cogitant, neque curram aliquam habent de emenda. Tales vivunt in statu valde periculoso, & proxima dispositione ad formalem contemtum; quinimò in tali transgrediendi modo reperitur interpretativus, seu virtualis contemptus, ac consequenter peccatum, & continuò sunt in malo statu.

Jmò, ut inquit D. *Dionysius Carthusianus*, tota taliter viventium vita est continuum peccatum. Et confessiones, quas faciunt, & sacrificia, quæ offerunt, sunt magna sacrilegia, verba illius postea referam.

Probatur: Nam contemptus est voluntaria sine causa continuata legis transgressio. Ita R. P. *Magister Petrus Martyr in Summa glio Constitutionum nostrarum parte 2. cap. 21 de contemptu refert ex diversis.* Atqui hoc reperitur in p̄efatis transgressionibus, ut patet.

2. Quia

2. Quia tales transgressores per liberum illum transgrediendi modum sine causa continuatum ostendunt se nihili facere Regulam & Constitutiones. Et ostendunt eandem pravam dispositionem, quam habent, qui formaliter contemnunt, solum differunt, quod hi aperte & pejori modo faciunt, quod illi faciunt implicite & interpretative. Ponunt idem obstaculum tenditiae ad perfectionem: & sunt proxime dispositi ad formalem contemptum; quia si tales serio moneantur, obvium est, ut respondeant: Non curro, nolo aliter facere, parvum vel nihil est hoc. Et refert praefatus Pater in praefato Summario in diversis locis, de illis, qui frangunt jejunia regularia sine causa, similiter de his, qui utuntur lineis ad carnem, qui frangunt continuo silentium, & in similibus perseverare intendunt, dicit, quod disponantur ad damnabilem contemptum. Fuit hic vir doctissimus, & in regularibus Constitutionibus versatissimus.

Peccatum vero, quod sic vivendo com-

C^o

mit-

mittitur, directè contrariatur professioni, per quam aliquis promisit Regularem vitam, inquit S. Tho. 2. 2. q. 186. a. 9 in corp.

Si quis objiciat, quòd S. Thomas loco citato ad 3. dicat: Quòd frequentia peccati dispositivè inducit ad contemptum. Ergo in ea nondum est contemptus

Respond. Quòd S. Thomas ibi loquatur de contemptu formalí, ut patet legenti eum. Cui conformia sunt jam dicta à nobis, quòd virtualis contemptus inducit formalem.

§. 3.

Explicatur tertius modus transgrediendi Regulam & Constitutiones cum peccato.

25. **C**ommittitur quoque peccatum mortale vel veniale in transgressione Regulæ vel Constitutionum, quando ipsa transgressio est causa peccati, vel est scandalosa trahens alios ad peccatum, vel propinquè disponit ad peccatum, vel tales sunt transgressiones, ut notabiliter event, vel relaxent disciplinam & observantiam regularem.

Nam

Nam malus effectus habet malum causam. Singula illa declarabo in sequentibus probationibus.

Pro quo iterum nota: Quod in hujusmodi transgressionibus non reperiatur duplex distincta malitia, ita ut sit alia malitia transgressæ constitutionis, & alia sit malitia peccati, quod ex illa sequitur, sed eadem sit causa & effectus Exempli gratiâ: Qui frangendo silentium litigat cum Fratre, & dicit ei graves contumelias, sufficiet ei dicere: Dixi graves contumelias fratri. Et idem de similibus.

26. Patet i veritas responsionis in transgressione silentij. Nam ubi continuò frangitur silentium, non potest esse Religio, secundum quod scribit *Apostolus Jacobus Epist. Can. cap. 1.* & *Sanctus Hieronymus in Epist.* Religio Sancta non potest esse in loquacibus. Et *S. Augustinus*, qui non custodit linguam suam, Monachus non est. Et sicut ex silentio religioso omnia bona oriuntur, quæ in specie recenset *Ioannes Climacus in scala*, ita ex loquacitate oriuntur.

tur omnia vitia, quæ refert S. Antonius p.
I. tit. 2. c. 4.

Inter alia negligitur reflexio super acti-
onēs suas, & seria recollectio sui ipsius,
ad vitam religiosam tantoperè necessaria.
Negligiunt studium pietatis & devotionis.
Negligiunt studium Sacrae Scripturæ &
Theologiæ, ex quo redduntur inepti con-
fessarij in ruinam animarum, & infra Etuc si-
concionatores. De quo dicit solemnis ille
Theologus P. Dominicus Bannez, quod
Dominicanus, qui quotidie non studet per
notabile tempus, graviter peccet. Idem
dicendum est de alijs Ecclesiasticis, qui
habent tales fructiones. Item per conti-
nuam loquaciam fiunt jurgia, murmuratio-
nes, detractiones & innumera alia pecca-
ta, per quæ fiunt quotidie peiores. Simi-
liter qui frangunt jejunia Ordinis frequen-
ter & sine causa, fiunt magis ac nagiis gu-
losi, carnales, immorificati, ac passim natii,
& alienati ab omni bono honesto. Et ita
seipsum examinanti per alias constitutio-
nes, apparebunt alij defectus, & depre-
hen-

henderet post multos annos, in Religione transactos, se multò pejorem esse, quam erat, dum Religionem intraret. De quibus verificatur illud *Thom. à Kempis*: Multi computant multos annos Religionis, sed paucos Religiosæ conversationis. Et aliud: Multi sunt veterani in Religione, sed vix Novitij in observatione. Quando igitur, & in quo, & per quas actiones tendunt hujusmodi Religiosi ad perfectionem charitatis & omnium virtutum, in quibus consistit religio, verè igitur dicunt *Hieronymus Augustinus* & alij Patres, quod tales non sunt Religiosi, qui tamen ut Religiosi in rigore judicabuntur.

2. Probatur. Quia continua transgressio Regulæ & Constitutionum redundat paulatim in transgressionem votorum: Nam secundum *S. Thomam* supra citatum, haec ordinantur ad votorum observantiam, & sunt quasi nervi, quibus fortiter manet colligata, & subsistit vita Regularis, & illis per transgressiouem sublatis, enervatur & corruit Religio. Sicut in civitate, destru-

Eto antemurali & propugnaculis, facile ruit murus, intrat hostis & vincitur civitas. Ita quoque quando Religiosus circa mandata Superioris incipit inquirere, quare hoc, quare illud, quare ego, & quare non ille, &c. facile progreditur & dicit: Ego hoc facere non teneor. Tandem, ego hoc facere nolo. Similiter, Religiosus, qui contra statuta sua incipit parya incipere sine licentia, expendere, alienare, paulatim illa crescunt, & fit proprietarius. Sic etiam quando solus incipit loqui cum fœminis, deinde familiariter agere cum illis, recipere litteras & munuscula, finaliter sequitur incontinentia.

III. Probatur: Quia liberi illi Transgressores verbo & exemplo trahunt alios ad deplorandum suum vivendi modum, & sic paulatim destruuntur præclarissimæ Religiones, quæ à suis Fundatoribus in maximo sanctitatis rigore sunt institutæ & cum magna ædificatione populi dudum floruerunt, idque cum irreparabili damno, gravissimo præjudicio honoris DEI, scandalo

lo sacerdotalium, & perditione infinitarum animarum, quas Religiosâ vitâ potuissent Christo lucrari.

In talibus Religiosis locum habet terribilis illa visio Sancti Pachomii, quam vidit de futuro statu sui Ordinis. Illam reperire licet in vitis Patrum conscriptis à S. Hieronymo in vita S. Pachomii. Et in gemitu Columbae Cardinalis Bellarmini. Legant illam, & in illa reperient lumen, quo evadant periculosas suas tenebras.

30. Tandem hæc omnia probantur efficacissimè, illa præsertim, quæ habentur in Responsione octava ex Doctrina Divi Dionysii Carthusiani de Reform. Claustr. Cap. 6. Qui de talibus Religiosis ita scribit: *Quamvis multa continantur in Regulis & Statutis Religiosorum, ad quæ non tenentur de necessitate præcepti, ita quod statim peccant mortaliter, quando in aliquo fuerint negligentes, ut est observantia silentii, surgere alacriter ad Matutina, otiositates vitare, inutiliter hinc inde discurrere, atque similia; verum consuetudo excedendi, seu assiduitas de-*

linquendi in istis, & non curare, neque emendare, non potest à mortali excusari peccato, (scilicet propter contemptum saltem virtualem) propterea Religiosi deformati, in quibus parva, aut nulla, est rigoris, aut disciplinæ observantia; qui carnaliter aut sensualiter vivunt, & mundanis vanitatibus pleni sunt, otiositati & loqñacitati uacantes, in innumerabilia prorsus incidunt vitia & peccata, non venialia tantum, sed & mortalia, imò tota illorum nita est quasi peccare continuum: præsertim quia & hæc ipsa bona, quæ agere videntur, tam negligenter, irreverenter, & tepidè, tam inordinate, atque indebetè agunt, ut magis sit offenditum DEI, quam honorativum, ac reconciliativum ipsius. Tales enim qui in fœcibus suis jugiter manent, qualiter confitentur? Qualiter celebrant? Qui se in nullo emendant, imò de multis, quæ mortalia sunt, nullam sibi conscientiam facere comprobantur. Hæc ille vir, quem Bellarminus de Script. Eccles. doctissimum ac sanctissimum vocat. In qua Doctrina (quæ nimium vera est) si bene consideretur à laxis Religiosis, videbunt tanquam in

in speculo sordes conscientiæ, & evidens
periculum æternæ damnationis.

31. Q[uod]apropter hæc doctrina incutere
deberet maximum timorem omnibus Re-
ligiosis, tam Superioribus, quam Inferio-
ribus, & illos eò adigere, ut seriò reco-
lant diem Professionis suæ, in qua sponta-
neâ & sincerâ mente se totos DEO con-
secrârunt. Promiseruntque, quòd ownibus
diebus vitæ suæ usque ad mortem vivent
secundùm Regulas & Constitutiones, non
prout h[ab]e[re]nt, vel ibi servantur, sed prout in
se sonant. Verūm è contrâ, vix emissâ
professione statim prætendimus dispensa-
tiones, Privilegia, licentias generales, &
exemptiones à quibusvis Regularibus ob-
servantijs, per quæ Religio irreparabili-
ter decidit, & redigitur ad nihilum. Qua-
si verò eminentissimos ille & Angelicus
status totus consistat, ut maxima DEO
promittamus, & ex promissis DEO nihil
reddamus. Insignis perfectio! Scriptum
est: Vovete & reddite DEO vestro; dissplicet
DEO stulta & infidelis promissio. Et quod
C6
'gra-

54 *De Obligatione Regula &c.*

gravius est, Superiores ad talia indiscretè concedenda quodammodo compellimus, socios in tale adjutorium nobis conjungimus, & bonis Superioribus, hæc & similia reformare volentibus toto conatu obsistimus, socios in perditionem trahimus, & posteris nostris viam ad infernum sternimus, idque usque ad diem judicij, quorum omnium peccata veniunt super illos, qui scandalum illud posuerunt. Quia ut ait Seraphicus Doctor: *Quicunque aliquod exemplum aliis relinquunt, sive bonum, sive malum, particeps est imitatorum suorum, sive in supplicio, sive in præmio sempiterno.* Quemadmodum Dux exercitūs, qui permittit militibus devastare pagum, est omnium peccatorum reus, & restitutioni greaterius damni obnoxius. Vide notabilem pro sententiam *S. Matris Tereſia de Via perfecta* cap. 13.

Dignetur nobis optimus Pater præbere quæ lumen, ut tempestivè densissimas has temnebras evadamus, ne serius deploremus nis. cum impijs apud Sapientem: Erravimus alij

via

via veritatis, & Justitiae lumen non luxit nobis, & Sol intelligentiae non est ortus nobis. Apprehendant hæc Superiores, qui suâ negligentia, & indiscretâ indulgentia horum omnium sunt principalis causa. Attendant quoque ad hæc omnia Superiores & Confessarij Monialium, ut illas frequenter admoneant de tanta obligacione Regulæ & Constitutionum, etiam minimarum.

C A P U T VII.

*Sequuntur aliquæ objectiones contra
prædicta.*

Obiciunt I. Qui semel aut iterum frangit silentium V. G. non peccat, vel si peccet, tunc sequitur, quod quævis transgressio Constitutionum sit peccatum, acem proinde quod nūquam obligent ad sœct. lam pœnam. Vel si semel aut iterum frangere silentium non sit peccatum, ergo ne ere que erit peccatum centies frangere, quia te omnes transgressiones sunt ejusdem ratiōnusnis. Similiter potest sieri argumentum de s dalijs Constitutionibus.

32. Ad quæ respondetur: Quòd licet quælibet transgressio secundùm se præcisè sumpta sit ejusdem rationis cum prima & secunda transgressione, considerata tamen cum pluribus alijs, per notabilem negligentiam iteratis, prout declaravi jam suprà Responsione. 8. Habent posteriores aliquid, quod non habent priores, scilicet interpretativum contemptum, ut patet ex Respons. 8.

II. Objiciunt ad hæc: Esto foret peccatum transgreedi dicto modo Constitutio-nes: attamen quòd hodie aliquis frangat silentium, foret solum veniale peccatum unum, vel plura. Vel quòd aliquis fran-gat jejunium Ordinis sine causa & licen-tia, est ad summum veniale peccatum, fa-ciatur similiter cras, & perinde, forent so-lum venialia: sed venialia multiplicata non faciunt unum mortale. Quemadmodum, si quis hodie in lectione Horarum omittat aliquot versus, similiter faciat cras & per-inde, manerent solum tot venialia. Idem reperitur, si aliquis in parvo frangit je-ju-ni-

nium Ecclesiæ diversis diebus, non constituitur ex illis peccatum mortale. Ergo similiter dicendum videtur, quod multipli-catæ transgressiones Constitutionum non poterunt unquam constituere peccatum mortale.

33. Respondetur: Quod quando multi actus venialiter peccaminosi uniuntur in objecto seu materia, tunc ultimus ille actus, in quo completur notabilis materia, vel in qua vult permanere, illa voluntas est peccatum mortale, ut videre licet in parvis furtis. Ut, decies surripere unum assēm, sunt tot venialia, licet semper accrescant; sed quando sic pervenitur ad decimum sextum, vel vigesimum assēm, tunc velle retinere illum assēm cum præcedentibus, committitur peccatum mortale. Idem contingeret, si aliquis in Jejunio Ecclesiæ eadem die səpiùs sumeret parum cibi, ultima sumptio fieret mortalis, in qua completur notabilis cibus assumptus. Quando verò multi actus non sic uniuertur, tunc licet səpiùs iterati, manent solum

venialia, ut contingit in duobus ultimis exemplis positis in argumento.

In præsenti verò, frangere frequenter jejunia Ordinis, silentia & similes majoris momenti Constitutiones cum frivola aut nulla causa, uniuntur in hoc, quod aliquis maneat irreligious, immortificatus, totus sensualis, non progrediatur in via virtutum, maneat imperfectus, & post multum temporis sæpè pejor, quam dum Religionem intraret, quæ omnia graviter militant contra obligationem, quam in professione assumpsit & sequuntur alia detrimenta Religioni superiùs relata.

III. Objicitur contra prædicta: Ego vivo secundum Regulam & constitutiones, tametsi frequenter transgrediar, quando paratus sum ad taxatam poenitentiam subeundam pro transgressionibus, quia Constitutiones non plus requirunt, ut patet ex prologo, ubi dicitur: quod Regula & Constitutiones non obligant nos ad culpam, sed ad solam poenam.

Respondeatur: Quod obligent nos ad
fo-

solam pœnam secluso contemptu; in continua transgressione Constitutionum sine causa reperitur interpretativus contem-
ptus, juxta dicta responsione 8.

IV. Conqueruntur, quod in tantum multiplicentur Constitutiones & Ordinationes, quod vix possint memoriam retineri, quomodo ergo poterunt impleri? Et onus novae Legis, quod Christus leve & suave prædicavit, videtur in Religionibus per diversa statuta adeò aggravari, ut tandem de jugo Religionis dici poterit, quod Apostolus Petrus de antiqua lege dixit: Quod nec nos, nec Patres nostri portare potuimus.

34. Respondetur: Quod per diversa & multiplicata statuta additur onus votis nostris, sed non est onus aggravans, sed allevians, prout S. Bernardus dicit de lege Evangelica in ordine ad legem antiquam & moralem: Additur (inquit) onus oneri, & minus onerat; & sic oneri gravissimo legis accedens quadrina Evangelii, & auxit perfectionem, & minuit difficultatem.

Quem

Quemadmodum, si equo, qui deberet portare duodecim saccos tritici, addas currum, ita Regula & Constitutiones adjunguntur votis ad alleviandum onus eorum.

Neque etiam onus, quod addunt, est difficile: nam quando pulsatur ad Ecclesiam, a quali facilitate potest quis omnibus relictis statim ire, quam hærere per medium quadrantulum, & seriū venire. Et auditō signo silentij a quē facilē potest statim discedere, quam in locutorio longiorē protrahere moram. Idem est de alijs observantijs. Neque sunt ita multiplicēs, quin facillimē possint retineri, si quis ex amore perfectionis, quam professus est, legat & relegat subinde capitulum aut alterum: Quia sāpē legimus multa vana, & benē retinemus. Ad quod etiam hortatur Humbertus quondam Generalis Ordinis Prædicatorum, dicens: *Lectio diligens Regula & Statutorum propriæ professionis, necessaria est, quia (inquit) sit contra Regulam frequenter, quando non legitur Regula.*

V. Alij sunt, qui vellent obseruare Regulam & Constitutiones, tamen incipiunt & pergunt transgreedi statuta sua cum Socijs, quia timent illos offendere, vel obloquia ipsorum, vel quia non audent publicè agere contra communem consuetudinem, ne videantur singulares, vel agere tanquam Novitij, vel habeantur tanquam scrupulosi, vel hypocritæ.

35. Kr. Si propter obseruantiam Regularem, ad quam obligor, incurro indignationem, & displiceo socijs meis, non est hoc curandum, teste Apostolo, dum dicit: *Si adhuc hominibus placet, Christi servus non essem.* Nam sic displicendo hominibus magis places DEO. Consuetudo illa communis Religiosorum aliorum corruptela est Religionis, ac ideo detestanda. Et non à pluribus, sed ab honestioribus forma sumenda est, inquit *S. Bonaventura in Speculo p. I. c. 2.*

Neque est mala singularitas servare communes regulas & statuta, ad quæ tota communitas obligatur. Neque est Novi-

ti-

tiorum exactè sua statuta observare, qui nondum illis obligantur, sed professorum. Imò & quantò seniores sunt professione, gradu, vel officio, tanto plus obligantur ad eorum observantiam: Quia debent bono suo exemplo ædificare juniores, monstrando, quantum profectum in via perfectionis fecerunt, & in illa progredi usque ad mortem, prout promiserunt. Nec est hypocrisis facere id, quod debeo, sed sincera fidelitas: Neque exactè observare sua statuta est scrupulosum, sed Religiosum. Et quietare conscientiam suam in hoc, quòd illorum transgressio non sit peccatum, est astuta diaboli persuasio, per quam subtiliter inducit, & suaviter illaqueat Religiosos in sensuali illa libertate, & ita paulatim destruit observantiam: quia hæc est vera radix, ex qua semper prodit ruina Religionum in sanctissimis Monasterijs, ut observatum est à pluribus sanctissimis Viris.

VI. Multi à parvis incipiunt sua facere sine licentia Superiorum, & paulatim pergunt ad majora; tandem in nullo petunt

licentiam. Quia pudet illos frequenter accedere Superiores; ac eò confidentius, quia existimant, quòd Superiores nolunt continuò molestari.

36. Rr. Sed pudor ille, vel potius superbia illa, est nimis pernitosa, quia nata est auferre totam promissam obedientiam, & Religiosos iteratò transferre ad propriam voluntatem, quod Sacrilegum est: boni superiores, qui cogitant, quòd de vita singulorum debebunt reddere rationem, libenter volunt & debent scire, quid singuli agant: quomodo alias de vita illorum poterunt reddere rationem Christo Domino supremo Judici? Deinde incipiunt quævis oblata recipere sine licentia, & ita perit paupertatis votum. Tandem quærunt conversationem muliercularum, à quibus hæc recipiunt, ac ita periclitatur castitas, propter quæ DEUS primò ab ipsis deseltus, deserit illos; & meritò subtrahit lumen ab intellectu, ut videntes hæc non videant, aufert à voluntate emollientem gratiam, & ita obdurantur, nam horum omnium trans-

transgressionibus amplius scrupulum sentiant, & ipsi, sic quietè morientes, sepeluntur in inferno.

CONCLUSIO.

PERPENDANT hæc frequenter & accuratè omnes Religiosi, qui faciles sunt in transgrediendo Regulam suam & Constitutiones; considerent, (inquam) quām periculosum sit ita vivere, & quām horrendum sit ita mori; quid tales respondere poterunt in hora mortis justissimo Iudice Christo, quando exactè repetet pretiosum illud talentum Religiosi Statūs, in quo quotidie debebant progredi de virtute in virtutem, tendere ad majorem perfectiōnem, producere quotidie fructus in lucrum animarum verbo & exemplo? Cum tamen ècontra, prout clarè videbunt in hora mortis, vitam suam esse deteriorem quām dum ex sèculo primitus ad Religionem venerunt, in vinea Domini se spinas protulisse, non uvas: dedisse se proximi exempla pravitatis, & non charitatis. Servus ille Evangelicus, qui talentum suu-

di-

diligenter custodierat, sit graviter reprehensus, & ligatis manibus & pedibus mis-
sus in tenebras exteriores, quia in illo ne-
gotiatus non fuerat, & lucrum non adfere-
bat; quid fiet de nobis, qui non tantum lu-
crari negleximus, sed talentum ipsum irre-
ligiosè vivendo dissipavimus? Quomodo
indignationem irati Domini perferre po-
terimus, qui ex tam magnis promissis ni-
hil solvimus? Quia in Religione non per-
fectè vivere, summa damnatio est, (inquit
S. Eusebius.) Perpendamus igitur hæc tem-
pestivè, antequam talentorum Dominus
redeat ex longinqua profectione, & inci-
piat nobiscum inire exactam rationem: ubi
tunc singula exacte computabuntur, & se-
cundùm rigorem justitiae punientur.

Donet igitur Dominus, & Regulam & Con-
stitutiones exactè observemus, tanquam spiri-
tualis pulchritudinis amatores? & ubi nos in-
venierimus ea, quæ scripta sunt, facientes, aga-
mus gratias Domino honorum omnium Largito-
ri: ubi verò sibi quicunque nostrum viderit a-
liquid decesse, doleat de præterito, carent de

futuro, orans, ut sibi debitum dimittatur, & in tentationem non inducatur. Ita S. P. Augustinus finit sanctam suam Regulam.

Finio & ego hunc tractatulum ad maiorem DEI gloriam, si subjunxero hanc brevem regulam S. Caroli Borromaei, quam sequendo pervenit ad apicem perfectio-
nis, quæ talis est:

A minimis incipe,

Semper progrediveris,

DEUM semper ante oculos habe.

Quod nobis concedere dignetur to-
tius perfectionis Magister & O-
rigo Christus IESUS, qui
est DEUS super omnia
benedictus,
AMEN.



n
m
an
a
nt
de
en

fo
ni
q
o

